

ST. DR.

17797

MEDYCYNÄ

17. 797.





*Path spec  
Mbi pulm.*

*kat. komp.*

*Musi. 17-797*

AUXILIANTE DIVINO NUMINE

# PHTHISIN.

*Auctoritate & consensu*

AMPLISSIMÆ AC CELEBERRIMÆ  
FACULTATIS MEDICÆ IN IL-  
lustri Academia Regiomontana

*Pro*

Receptione in Inclytam Eandem Facultatem  
legitimè impetrandâ

DISPUTATIONE PVBLICA

Literatorum judicio ponderandam  
proponet.

FRIDERICVS MÖLLERVS

Medicinæ Licentiatus.

*Respondentis munere defungetur*

GEORGIUS MARTINI

Numburgô-Misnicus.

In Auditorio Majori

*Ad d. 13. Maij horis antemeridianis*

Anni M. DC. XLIV.

---

REGIOMONTI

Typis JOHANNIS REUSNERI.

*Cs.*

*1788.*



PLVRIMVM REVERENDO, MAGNI-  
FICO, GENEROSO, STRENVO,  
DOMINO

CONRADO A BVRG-  
STORFF, SERENISS: ELECTORIS

Brandeb. supremo Camerario, intimo Regiminis & Rei  
œconomicæ novæ Marchiæ Consiliario, Colonello, supremoq;  
arcium in Electoratu & Marchiâ Brandenburgensi Commendanti, & Proto-  
Capitaneo Custrini, Ordinis Johannitarum Equiti, & Commendatori in  
Lagau, Goldbeck & Manschnovij Domino Hæreditario; Do-  
mino perobservandissimo

**N**Ec, quibus Natura non noverca sed Mater inclytum pectus  
locupletavit, tuas Virtutes: nec, quibus præclarè defunctus tibi famâ  
aucupatus es laudabili actu, expeditiones: nec, quâ & togâ & Sago illustis  
arduum laudis adnixus es, prudentiam oratione exequi suppar, tacitâ mente  
venerari, quam exiguæ scriptionis conatu deterere malo, ne impolitix mihi  
dentur. Quippè qui belli peritiâ & fortitudine Pericli, Hannibali; prudentiâ  
Ulyssi; justitiâ Aristidi; celeritate expeditionum Datami; in utrâq; For-  
tunâ, eam ceu fluctum à Saxo frangendam ratus, Timolonti Corinthio;  
impetrandæ veniæ facilis Claudio; animi moderatione Trajano nisi præse-  
rendus, certè conferendus es. In quo, quid posset, prout in Alcibiade, Na-  
tura videtur voluisse experiri. Meritò itaq; singulari Serenissimi Electoris  
gratiâ in celsam dignitatis sedem, ad quam à pueris in magnos accincta mens  
usus expectabatur, collocatus es. Confer, Magnifice Domine, novissima  
primis, & quâ profectus es Parentem meum, gratiæ consortem hste Filium,  
qui imminēs in occasionem ejus renovandæ, & animi devoti motum conse-  
furus Disputationem tuæ devovet tutelæ. Accipias illam serenâ fronte &  
nullius incommodi objectu retardatus vivas, precor, Lumen Aulæ, Columna  
Litterarum, felicissimè.

Magnif. V. Dominat:



*Devotâ Servitiorum promptitudine  
adductissimus*

FRIDERICUS Möllerus  
M. L.



**R**omæthea fingunt Poëta, quod ignem cælo delatum Sæyro quidem monstraverit, verum hæc lege, ne aut novitate rei, aut splendore seductus oscularetur, si modò vellet cavere barba & oris, æstoria facultatis ignarus. Facturus aliquid publici juris, etiam admonendus videbar, ne graviore alicui affectui manûs admoverem, consulturus auctoritati & existimationi Medica. Verum numerò mihi in mentem veniebat, quod Nautæ non sufficiat serenâ tempestate, & mari placido navim gubernasse, & portui commississe integram, nisi Eolo irato, & fluctibus undiquaq; colluctantibus dignum festicerit. Proin à nemine me reprehensum irireor, si periculossissimo & curatu difficillimo affectui publicæ operam locavero, eumq; disquisitioni submisero Medica.

II. *Phlegmon* autem vocabulo intellectam nolo atrophiam totius à quacunq; causâ, prout in generali hac significatione Hippocratem intelligere morbum tabificum lib. de gland. f. 3. p. 273. cõjicit Mercur. l. 2. c. 4. p. 265. sic, ex lumbricis in trunco venæ Portæ commoratis inductam esse observatum: item ex obstructione venarum mesaraicarum & lactearum: ex tumore glandulae in centro mesenterij: ex abscessu aliquo interno visceris: ex carilagine ensiformi in eorsum flexâ infantibus &c. nec quæ scorbuticis familiaris esse consuevit, cujus causa dari potest ex Hippocrate, ubi l. 6. Epidem. Com. 4. aph. 23. ventrem calidum, carni-um frigidarum autorem incusat Causa nostra. Confer aph. 8. sect. 2. nec loquor de foraminis uvæe tunica seu pupillæ angustia: nec de colligatione totius consuetâ febris ardenti confluentibus: nec de cachexia, nec tabe renali, nec dorsali, nec de imminutâ oculi magnitudine, aut aliâ atrophia particulari, sed totali, & quidem in specie illatâ ab ulcere pulmonû. Latini vocant tabem. Germani die Schwindsucht/die Darre. Græci *phlegmon*, *πύον* & *phlegmon*, *De-*



ducitur hoc à Phlogistone, quippè qui morbus corruptionis pulmonum & totius auctor.

III. Descriptio ejus varia reddi potest, diversum quatenus includit respectum. Determinaturus Phlogiston morbum, seu intelligat similem, seu organicum seu soluta unitatis, expedire se poterit negotio non ita difficili. Propositurus ut symptoma, sive actionis læsæ, sive mutatarum qualitarum, sive excretorum & retentorum, Medici erroris convinci non poterit. Licet, ut libere, quod sentio, loquar, Phthisico magis arrideat auxilium absterforium, glutinans, quam à Pharmacologia ista cathedraria, quæ morbis summovendis vix tantum confert, quantum eloquentia, quæ nullum morbum curari Medicorum Cicero Celsus liquidis asserit verbis. Relaturus autem hoc malum inter Symptomata actionis læsæ, & Medico me accommodaturus foro descriptionem dabo sequentem.

IV. Est consumptio seu marcor omnium partium corporis dependens à febris lentâ, inductâ ab ulcere pulmonum. Febris lentam hanc, si omninò determinanda, indigito putridam in principio morbi, continuam, quam in augmento & statu degenerare in hecticam nemo miretur: nec illud, quod huic superveniant erraticæ, horrificæ. I. Epid. c. 1. p. 940. quas Foësius in Not. semitertianas vocat: intermittentes, prout cacochymia in corpore variat, malignæ, comite delirio, ratione aëris, prout notatu dignum hoc legere licet in Hippocrate I. Epidem: Com. I. p. 941. §. 7. Dubium hæc non contemnendum movet Doctissimus Mercatus l. 2. tom. 3. c. 9. p. 214 an differentia aliqua constituenda sit inter febrim hanc lentam & hecticam, quam licet ipse, sicut solet singularis iudicii Vir, doctè dirimit.

V. Causam hujus febris & mariei investiganti occurret ulcus; ulceris itaq; istius originem, necessarium est, ut enucleemus, quæ latere nequit illum, qui definitionem ejus ponderaverit, quod dicatur solutio continui cum magnitudine imminutâ in parte mol-



te molli à materiâ erodente. Applicaturus hæc ad speciale pulmonum ulcus causam ejus proximam dispendendam reor in internam & externam: illam iterum considerandam tam ratione partibus affectâ, quàm objecti. Ratione partibus incuso connatum pulmonum vitium trahentium secum principium corruptionis contractum in utero materno, prout Galenus scriptum reliquit 4. de Loc. affect. c. ult. Nati isti hujus morbi prout hereditatis participes quam maximè absunt à nativitate, tam proximè sunt exitum internum. Rectè de his Galen. I. de t. s. 16. p. 265. quosdam ab ipso ortu adeo improspere corporis statu offendi, ut ne, si Esculapium quidem ipsum ijs præfeceris, vel sexagesimum viderent annum.

VI. Objectum ulceris causam deprehendo materiam, quæ seu naturâ suâ aliquid acrimoniæ & erosionis, seu adflictiæ habet. Quomodo tota sanguinis massa causæ proximæ nomine venire potest. Galenus exprimit fieri vel propter cacochymiam, vel propter putredinem. Hermetici à tartaro & sale exerente vim virtute mixtionis prius occulta tam. V. Petreum l. 1. Dissertat: Harm: XV. p. 285. non malè locuti asserunt. Hæc materia, in ipso pulmonum parenchymate congesta sæpè vitium contrahit adhuc in venis morata, quæ quando extra vasa prorupit, damnum infert evidens: siquidem acris existens pituita (intellige idem de alijs cacochymia speciebus) & in carnem erumpens, venas exulcerat & refringit: sanguis verò in alienum effusus locum morâ computrescens in pus vertitur, teste nostro Sene lib. de Flat. s. 3. p. 299. pus vero in pulmone collectum exulcerat, Hipp. l. de Loc. in hom: s. 4. p. 415.

VII. Notatu dignum autem arbitror in his Hippocratis locis tempus, quod actioni huic sufficiat, requiri: cui jure quodam subiecto pulmonum constitutionem, parem quidem humori alterando, sed expurgando imparem, cui ejiciendo si resistens suffecerit, res in vado est. Hinc (ne de Volusio Saturnino dicam, qui



Plinio observatore periodicâ hæmoptysi corripens fuit cum  
 (in Poeta) experientia nos edocet, plethoricos quosdam sine incom-  
 modo sanguinem tussi reieciſſe, metuendâ quidem, non vero subſe-  
 cutâ tabe. Imo observationes Medica teſtatum faciunt, qui-  
 buſdam etiam gravidis plethoricis naturam proſpexiſſe ſputo ſan-  
 guinis, ne facta copiâ ejus obruto & ſuffocato, abortum pateren-  
 tur. Quem naturæ motum prudentiores Medici vena ſectione  
 imitati multas ſaminas abortûs periculo eximunt. Quare non  
 ſemper, ſed tum demum ſanguinis ſputum malum pronuntiat Hip-  
 pocrates 7. aph. 15. cum ſupervenerit expectoratio puris.

VIII. Notant Autores ratione objecti ſecundò quod pe-  
 ripneumoniâ ſolutâ, aut ſuppurato tuberculo aliquo, nec legitime  
 expurgato pulmone, per *metastasis* pure exedente pulmenum ſub-  
 ſtantiâ, ſequatur tabes. Nuncuntur fortè autoritate Hippocra-  
 tis, qui lib. 1. de Morb. ſ. 5. p. 450. liquidis aſſerit verbis, ſup-  
 puratos ſ. empyicos fieri, pulmone corrupto & exulcerato, ſi pul-  
 monis inflammatione detentus diebus, qui talem decernere cre-  
 duntur, non purgeur, ſed ſputum & pituita in pulmone colliga-  
 tur. Ponit autem idem terminum l. 2. prognost. text. 53. diem  
 vigefimum, 30. 40. ſe extendentem quandoq; ad ſexageſimum.  
 Addunt hæc quidam tertium caſum ratione objecti ſcil. variolis  
 intus erumpentibus factâ ſuppuracione materiâ non ritè abſter-  
 ſam poſt ſe ulcus relinquere.

IX Objectum cauſa proxima interna ratione affluxus du-  
 plici nomine, & motu, & ſubſtantiâ conſideranda 1. deorſum à  
 capite ruit Catarrhus, de quo loquitur Hippocr. l. de gland. ſ. 3. p.  
 273 & lib. de Morb. 3. p. 450. quod latenter deſtuet initio ut-  
 plurimum, tenuem excitans tuſſem, progreſſu deinde exaſperetur  
 pulmo & exulceretur. Confer aph. 38. ſ. 7. ubi deſtillationes in  
 ventrem ſuperiorem ad ſuppuratum pervenire contendit intra di-  
 es viginti. 2. ſurſum & à latere ſeu vicinis partibus, mediſtino,  
 pleurâ, diaphragmate repit materia, quæ vel naturalis eſt, vel  
 præter-



preternaturalis. Observationem tabis ex pleuritide habet Val-  
leriola Obseru. 5. l. 5. Frequenter hoc accidit in empyemate, quod  
nec senem nostrum lauit, prout videre est aph. 15. l. 5. Et hac de  
causâ proximâ internâ tam respectu partis affectæ, quàm objecti,  
seu congesti, seu affluentis.

X. Causam φθισικὴν proximam externam denominantes  
secutus refero 1. leporem marinum, & si quæ alia peculiari ἀν-  
τιείκῃ dissident cum pulmone. Siquidem convictus testimonio  
Medicorum doctrinâ & fide insignium, Rondelezio, experienci-  
am tantorum virorum in dubium vocanti subscribere nequeo, do-  
nec aliquis experienciâ edoctus contrarium probaverit. 2. Recen-  
sent hic contagium, quod phthisicus halitu emittat ποτὸς ἀπὸ τοῦ  
cor, & ἀποφθοῖα, peculiariter parenchymati huic cordis ventilabro  
infestas, prout in ἀρθριδίᾳ, & arthritide contingit. Proin sue  
consulebras saluti periculum declinet, nec temerè ori appropin-  
quet phthisici, ne vitæ dispendio penam luat, rectè movent au-  
tores.

XI. In remotis causis internis inter animi pathemata ira  
evidenter venit incusanda, mediocritatis transgressa terminos,  
commovens sanguinem. Deinde consuetæ alicujus evacuationis  
intermissio. Hinc spatium duorum mensium intercepta menstrua  
mulieres in tabem conjicere notat Hippocr. l. 1. de Morb. Mu-  
lier. p. 590. s. 5. idem hæmorrhoides diuturnæ suppressæ unâ o-  
mnes, nullâ servatâ efficere aptæ sunt, ex Hippocrate 6. aph. 12.  
Tertiò huic annuero venarum ἀσκήσεις, διαίσεις, διακρίσεις,  
ἐκρίσεις, sanguine in alienum locum effuso putrescente. Hippocr. l. de  
Flat. s. 3. p. 299.

XII. Inter causas remotas externas recenseo Primò Aë-  
rem excedentem limites mediocritatis 1. in calido sanguinem ex-  
asperante & calidiorē procreante; hinc æstas acerrima bilis pro-  
creatrix huic malo symbolum conferre videtur; maximè cum  
calidum humores attenuet, fundat. 2. in frigido condensante, con-  
stringente.



frigente. Hinc tabes in hyemem quandoq; incidit. Hippocr. 3. aph. 13. Quare manus admoerum Medicas Methodus medendi hortatur, caveat sibi in affectibus pulmonum à frigidis adstringentibus. Ejusdem nos admonere videtur Hippocrates, 5. aph. 24. & Paulus l. 3. c. 31. Causam eruo ex Eodem Hippocrate 6. Epid. Com. 3. aph. 10. scil. valde frigidis venas rumpi & tusses excitari: quod vel unica Brassavolæ, nedum aliæ aliorum eximiorum Medicorum, observatio convincit.

XIII. Videant hîc suæ quî consulant conscientie, qui tabidis præservandis ab hæmoptysi non tantum propinant maxime frigida, sed & externè epithemata ex spermace ranarum &c. imponunt pectori, aliquot vicibus indies imbuendo linteo, ut ægri, glacies ac si pectori incumbere, affici se affirmant. Quo auxilio (si modo hoc nomen meretur) tantum abest, ut ruptura venarum impediatur, ut potius promoveatur. Methodicorum crambe analogismus sic egregiè recoquitur, cujus fructum Themison olim decerpit famâ sempiternâ, argumentando, profuit hoc in pede, Ergo proderit pectori. Tales, ipso Hippocrate viro arte & facundiâ insigni, teste Celso in præfat. l. 1. p. 10. doctiores, prout se jactitant, crederem, modò se tales non verbis solum, sed reipsâ præstare possent. Qualis videri vis, talis esto.

XIV. Tertiò utrâq; qualitate calidâ & frigidâ cum alternet aër autumnalis, tabidos quod insigniter offendat, Hippocrati largiamur 3. aph. 10. & 22. & generationis & paroxysmi nomine. Illius quidem, quod acris humoris magnus sit eo tempore proventus: hujus, quod circa æquinotia & solstitia, periculû plena Hippocr. l. de Aer. Aq. Loc. f. 3. p. 288 mutationem morbi subeant, Id l. de Humor. f. 2. p. 50. inter quæ autumnus, tabidis maxime lethalis Hippocr. 2. prorrh. f. 2. p. 91. proportionè respondere dicitur vespere, id. 2. Epid. Com. 1. pag. 996. Quo posteriori nomine etiam ver malè audit, quod in Perineho plurimi

plurimi Vere tabe laborarint, Hippocr. 6. Epid. 7. aph. 10. & 11. quod aliàs saluberrimum & minimè exitialè laudat, 3. aph. 9.

XV. Causa hæc facilius effectum dabunt, quo in aptiora inciderint corpora. Aptas tibi constitutiones designa calidas ficas, latis venis, duris. 2. plethoricas. 3. homines ὀξύγυνος, iracundos. 4. Catarrhis obnoxios. 5. Ratione vitæ generis Equites, siquidem equo succussatore vultus thoraci infensissimo utitur exercitio, norante Oribasio, Med. Collect. l. 6. c. 24. p. 296. calculum addit Aërius tetr. 1. serm. 3. c. 7. pag. 117. Hinc violenti exercitij, juxta alia istius ætatis errata, reos juvenes aptos tibi connotat Hippocr. 3. aph. 29. quem aphorismum illustrat confirmandi sect. 5. nonus. 6. in risum faciles vocem summo clamore incendere soliti, siquidem illi facile rupturam venarum passi, prout Valleriola observ. 2. l. 2. in Patricio Arelatensi vidit, huic periculo exponuntur. Hinc ob conatum à partu frequentes tabes vidit Hippocrates l. de Aër. aq. & loc. sect. 3. pag. 282.

XVI. Dispositos accersit noster Causa φθινώδης & πρεγυώδης. 2. Epid. Com. 3. pag. 1090. quorum posteriorum conformatio contracta fuit vel in utero, Parentibus tabe expertis, vel in idem eandem Semine conferentibus. Morborum namq. originem sæpè in corporis nostri rudimentis latitare, & tabidos à rabi- dis procreari autor est Hippocrates lib. de Sacr. Morb. sect. 3. pag. 303. prout ex calvis calvos, ex macrocephalis macrocephalos &c. Hippocr. l. de Aër. Aq. & Loc. sect. 3. p. 289. Differencias tabis desiderans eruas, cui placuerit ex causis, subiecto &c. Hippocrates lib. de intern. Affect. § 5. p. 536. 537. tres facit : quas ego non moratus propero ad signa.

XVII. Signa diagnostica desumenda reor ex 4. fontibus. 1. à causis, quarum aliqua proximarum designatarum ante prægressa Medicum meru- in suspensionem hujus mali addu-



cit. 2. Confirmat Eundem constitutio corporis, & aptitudo sub-  
jecti, cui congener hic morbus dici queat. V. Hippocr. 2. aph. 34.  
maximè si Avorum, Parentum, Sororum, fratrum &c. aliquis  
illo correptus semina isti communicasse queat dici, quæ ceu bona  
fortuna cernere potuit hereditate. 3. etuo ex morbo cordis simi-  
lari, febris lentâ vix perceptibili. 4. ex Symptomatibus, & qui-  
dem 1. actionis læsæ cordis, pulsus mutatione, cōueniente huic fe-  
bri lentæ. Deinde pulmonis, cussi diuturna, identidem molesta. In-  
terdum difficilis etiam adest respiratio. Petr. Nosol. Harm.  
p. 279. 2. Excretorum &c. sputo roundo diutius perseveran-  
te, interdum striis sanguinis variegato, sine dolore ferè exeunte,  
aut eo valde exiguo. Hinc Celsus l. 4. c. 7. hoc morbi genus plus  
periculi quàm doloris habere dicit. 3. Mutatarum qualita-  
rum, ex calore maxime thoracis, & genis rubore perfusis. Hippe-  
cr. 2. progn. c. 60. extenuatione sensim subrepente, alimentis con-  
suetâ quantitate assumtis nil proficiente agrote, nec robur soli-  
tum percipiente.

XVIII. Hac signa Medico singulari iudicio & cautio-  
ne ponderanda veniunt, de agri salute sollicito, antequam ma-  
gis in conspectum se dederint, cum confirmata phlogos curatio-  
nem infelici aggrediatur eventu. In perfectâ autem febris ma-  
nifestè se prodit pulsus, respiratio difficilior molestat, cussis fre-  
quentior, vehementior, sputum purulentum, facies est pallida, ut  
de tabidis idem asseverare auderem, quod Serapionis Citharædys  
de Caria populis lieqnos, scil. mortuos ibi ambulare inter vivos.  
V. Bauh. theat. anat. l. 1. c. 43. p. 536.

XIX. Quidam hîc accuratè discernendum suadent pus à  
pituitâ ad consistentiam puri non ab similem deductâ, maximè in  
invenibus, quorum calor suppar adhuc objecto ita disponendo.  
Puris notas exprimi volunt 1. quod injectum carbonibus feci-  
dum oleat. 2. aqua tepida immixtum versus fundum vergat. 3.  
agita-

agiatum facili negotio dissolvatur. Contrarium deprehendi dicunt in pituitâ illâ ex Catarrho. Rejicientis hanc explorationem Aretæi lib. I. de sign. & caus. morb. diuturn. c. 8. Sententiam amplector de phibisi jam auctâ fortè locuti, quod etiam ratio ejus tantum obtinet, non verò de incipiente, quæ cognoscenda etiam Medicis quandoq; imponit, & negotium facessit, nedum ut imperitum vulgus integrum de illâ ferre queat judicium. In pituitoso isto spūto annotandum notat Capivaccius præf. l. 2. de Affect. Med. venter. c. 7. p. 543. ægros non continenter emaciari, sed regenerari aliquo modo carnem.

XX. Prognosin formaturo mihi tabidis gratam, & eventus salutarem, dicam impinget grandem vulgus, persuasum jam habens, in frustra medicas adhiberi manus. Quod etiam quosdam Medicos patronos invenit. Nec diffiteri possum, vulgo quando jam innescit tabes, quod ferè invaluerit, & tunc, si omnino aliqua, exigua sanandi spes super sit. Pugna sanè indicationum, cussis, & medicamentorum, antequam parti affectæ communicentur, alteratio difficilissimam reddunt curationem. Egri tamen à Medico Christiano deserendi non sunt, etiam in hoc statu, siquidem tot fide dignorum Medicorum de curatâ tabe observationes in dubium ut vocarem, religio mihi foret. Etiam si in super integræ sanitati vix restituendus videatur æger, prorogare tamen terminum studeamus, cum ad septem & novem annos hunc morbum durare observaverit Hippocrates l. 2. de Morb. f. 5. pag. 478.

XXI. Periculosiorem vitæ aleam subeunt tibi exposui à fluxu ferè incompescibili seu menstruorum sursum ruentium, seu deorsum tendentis catarrhi. De priori spem aliquam concipiendam vult Hippocrates 2. prorrh. f. 2. p. 91. accedentibus signis laudabilibus, & mensibus luculenter apparentibus; alioqui nullam; prout de Viris, hamorrhoides si sequantur. Hippocr.



Coat. prænot. aph. 437. Statim autem in principio singularis  
 adhibenda diligentia Medica, ne erosione profundâ factâ spes  
 convalescenciæ cadat. Conditiones quas in sanandis tabidus re-  
 quirat Hippocrates, legi possunt l. 2. prorrh. p. 91. quarum plu-  
 rimum præsentia majori lætæ agros spe, defectus omnium omni  
 privat. Tabidum, cujus sputum gravem redolet nidorem, cum  
 defluvio capillorum, morbo victum judicat Hippocrates Coat.  
 prænot. aph. 434. pure aquæ marinæ injecto fundum petente.  
 j. b. aph. 435. Exitio vicini existunt, quos sic affectos prehen-  
 dit alvi profluvium. aph. 436. concurrente facie Hippocraticâ,  
 de qua agit Hippocrates l. 2. prognost. aduncis unguibus, hinc  
 dicitur hic affectus. V. Holler. Com. 3. aph. 8. & Foesium  
 in Not. ad Hippocr. p. 996. Fusè de tabe tractat Hippocrates l. 2.  
 de Morb. f. 5. pag. 477.

XXII. Curationem, quam tradit Hippocrates lib. de  
 Loc. in hom. f. 4. p. 416. omninò centandam indicationes mon-  
 strabunt. Primum imminuta magnitudo partium extenuata-  
 rum augmentum indicat expediendum ἀναδείξιν juxta Galen.  
 art. Med. c. 97. Febrilis calor, frigida, & quatenus adiun-  
 ctam habet siccitatem, humida. Ulcus quatenus est magnitudo  
 imminuta, amissi restorationem & quidem γέρεσθαι postulat: qua-  
 tenus solutio continui, unionem: quatenus ἀ causâ dependet, re-  
 motionem. Quarum indicationum uni satisfactorius, alteri sæ-  
 pè delinquit Medicus. Quare ejus interest, dignitate prævalen-  
 ti attendat, & ordini, quem in complicatis his affectibus se-  
 quatur.

XXIII. Exordium autem ducendum arbitror à fonte  
 hujus, quicquid est mali, sine cujus emendatione reliquorum cu-  
 rationem frustra speres, scil. ab ulcere pulmonum. Ratione cau-  
 sa antecedentis cacochymia quibusdam placet purgantia propi-  
 nare, & quidem valida, ut doctissimo Capiuvaccio Prax. l. 2. c. 7. p.

544. Verum mihi sufficere lenitiva jus ex prunis dulc. man-  
na &c. & qua adstrictionis vestigium in visceribus relinquunt,  
Crem. tart. rhabarb. myrobal. Syr. ros. sine Scammonio. Suffece-  
re eadem Practico felicissimo Valleriæ, observ. 6. l. 3. p. 150.  
Clysteres infundantur ex herb. emoll. decoct. & ol. violar. furfur.  
mell. ros. Elect. diacath. diaphan. &c. Vomitus concitari no-  
lo, decurritus aph. 8. s. 4. Hippocratis: cujus auctoritatem ex  
lib. 2. de Morb. s. 5. p. 477. alij male sibi patrocinari autu-  
mant.

XXIV. Venam respectu phibiseos secandam esse, nul-  
lam rationem video sufficientem, quicquid alij inferant, quâ se-  
ctâ, quin vires nutantes corruant penitus accisæ, nullus dubito.  
Frustrâ huc trahitur ex Hippocr. l. 5. Epid: 6. exemplum ægro-  
ti in Oeniadis decumbentis p. 1142. Frustra cogitant auctores de  
vena sectione viribus exhaustis, laborem labore curaturi, nisi qui  
magno miseros tabidos mactare nituntur malo. Catarrho causæ  
urgenti revulsione succurrendum suadeo iis medicamentis, quæ  
in curatione catarrhi consueverunt. Fenticuli & cucurbitulæ,  
frictiones hic magnum præstant commodum oportune adhibita.  
Capiti imponit sacculos Valler. observ. 3. l. 2. p. 75.

XXV. Ulcus carne implendam sarcotico indiget medi-  
camento, quod operatrici naturæ remoram summoveat, & spu-  
rum promoveat. v. gr. hydromel Syr. de liquir. jujub. hyss. de  
farf. & Symp. cum melle rosat. decoct. peat. aq. Scabios. capill. Vener.  
fab. cum ficub. dactyl. viol. sem. frig. sero lactis. aristol. hord.  
cereb. conf. ros. rec. Mirum quantum hic commendat flor. papav.  
Valler. obs. 5. l. 5. p. 216. Ubi satis ulcus abstersum, gluti-  
nancia in usum trahantur. bol. arm. terr. sigil. lap. hæmar. Syr.  
& pulv. consol. torment. Magist. Corall. perl. ol. hyper. sulph.  
flor. & bals. sulph. maximè anisat. Habetur in Prax. Chym. Hart-  
manni p. 564. peculiaris præpar. sulph. pro phibificis. Addo  
looch de pulm. vulp. sani & exp. cum. C. C. trochisc. de Carab. succ.



cydon. Quibus habito febris respectu sem. frig. pass. Corinth. aq. ber. bugl. admisceantur. Vix eloqui valeo, quibus prosequantur laudibus autores conserv. ros. antiq. Petrus, Joël, Valler. Gatin. & alij magnâ quantitate sumeam, quam nec improbo: subnecto decoct. lign. Guaiac. & rad. Chin. nisi hectica prohibuerit.

XXVI. Non uni scopo suppar est lac, imprimis si capre herbis convenientibus nutriantur. Valler. cit. l. commendat asininum cum paucis mell. velsach. exceptum, admixtâ bolo armenâ, substituo cum Hippocr. l. de Affect. intern. s. 5. p. 537. bubulum cum tertia parte mulsæ. Cujus coagulationem prepediunt sacch. & mel. Cavendum monet Petrus l. 1. Differ. Harm. 15. quest. 4. p. 293. ne lacti vinum superbibas. Gatin. Prax. c. 29. p. 118. extinguit in lacte chalybem. Ulceris exiccationi promovenda inserviunt suffragia ex thure, mastich. myrrh. lign. aloes. ros. fice. tabac. sulph. & alijs odoratis siccantibus. Tandem ulcere consolidato cicatrix inducenda. Pectori possunt etiam cataplasmata applicari ex alth. malv. sem. lin. fenugr. ping. Capon. tereb. ol. butyro, & alijs pro necessitate & morbi tempore.

XXVII. Quidam, nescio quâ opinione suffarcinati nil nisi horrenda secreta, & si Divi placet, panaceas crepando, quibus indicationes, Principum Medicorum placita & medicamenta sordent, juxta alios spir. largâ porrigunt manûs spir. Vicrioli & anizimon: diaphor. tabidis. Verum quisnam extremis, quod dicitur digitis attingens medicinam non videt acrimoniae vitio excitatum malum acrioribus magis exasperatum augeri, & cussim lacerandis pulmonibus aptam concitari? Quis inficias ibit diaphoreticis nullum dari locum, ubi adstrictione vasorum opus est? Inveniunt tamen Thrasones isti opinionis suæ Patronos, qui vel laudant processum, eò quod agroci celeri ad Tartarum motu precipitati non diu medicamentis torqueantur. Quorum infelicitatis me penitet, quod in hoc casu bñ peccare nequeant, prout de bello loquimur



loquitur Lamechus. Enormis etiam committitur error opiaris, quæ sputum præpediunt evacuandum, quo suppresso suffocatio sequatur necesse est, ex decreto Hippocratis 7. aph. 16. Cicatrices inductâ extenuationem corporis emendaturis usu balnei tepidi consensio, cui non diu immorandum. Quo facto inungatur corpus mucil. sem. psyll. cydon. ol. viol. lacte mulieb. butyro rec. &c. adde parum camphoræ. Interim cibi boni succi refectio studeamus.

XXIX. Dietam accuratam tabidi sibi commendatam habeant, certi, quod & ipsis monitum reliquerit Hippocrates, quando lib. de Vet. Med. p. 63. dietam sanorum agris damnosorem reprehendit, quàm sit ea, quæ ferarum est, & aliorum animalium ipsis hominibus sanis. Imo victus rationem in hoc morbo utramq; ferè paginam facere testatur Petrus cit. l. p. 291. Aër siccitate polleat, temperatus calore; quâ destitutus artus beneficio acquirat, quo attractus inspiratione pulmone exiccando conferat. Joel l. 3. prax. s. 1. p. 46. tribus vitam diutissimè conservari statuit, mutatione aëris, usu lactis caprilli & conservæ rosarum. Quâ de causâ peregrinationes laudat Aretæus l. 1. de cur. morb. diuturn. c. 8. in Egyptum, Mercurial. l. 2. c. 4. p. 270. ad montem Tabias ex Gal. 5. Meth. m. Petrus Nosol. l. 1. Diss. 15. p. 294. Quo auxilio, quod hic loci frustra commendari autumo, utatur ejus statui, conditioni vitæ, sumtibus convenit, qui redditum sibi pollicitus viribus suis confidit, illas interea non accisum iri.

XXX. Cibi præbeantur faciles cocti, boni succi, potenter nutrientes, difficiles corrupti, penetrabilis substantiæ, frigiditatis, absterforia virtutis participes, consolidantes, ter vel quater de die, non unâ vice, ne in coctione primâ à ventriculo relictum vitium cruditates accumulæ. Quas facultates cum alimentum simplex vix ac ne vix quidem agnoscat medicamento sum, plura mixta scopo satisfaciunt v. gr. brodia ping. & restau-

tativa



rativa artificialiter facta cum pulpi caponũ, phasianorum, per-  
dicum, cum amygd liquir: sem: frig. bolo arm. Possunt etiam cum  
Sacch. morsuli preparari, qui multum valeant in restauratione.  
Gatinar. Prax. cap. 29. p. 118. Qui etiam approbat caneros,  
cochleas, tam propter lentum succum, quàm colorem carneum.  
Petraus cit. lib. pag. 294. propter signaturam pectoris. Suc-  
cum earum non reicio; modo ventriculus coctioni suppar fuerit.  
Addo his ptisan. hord. lac amygdal. ova sorbilia. carnes gallin.  
vitul. bador. succ. cydon. oryzam, uvas passas &c. Potus sit aq.  
bordei, cum liquir: infus. Vinum cum Mercur. cit. lib. p. 270.  
indulgeo tenue, cum aq. borrag. bugl. Chalyb. sacch. item adstrin-  
gens cum mulsâ, quantum febrilis calor permiserit. Alvus quo-  
tidie respondeat naturæ. Vigilia immoderata, et isticia, moror  
exulenti. Ira nullus concedatur locus. Vitentur clamores, &  
aliâ deductus voce sermo, à quo sibi quantum fieri potest, tempe-  
ret æger, submisit eundem proferens. Tantum de hoc morbo.

Deo sit Laus, & gloria sempiterna!

#### COROLLARIA.

- I. An parenchyma pulmonum deperditum arte Me-  
dicâ restitui possit? Qui non solum amissæ partis,  
sed integri lobi restitutionem sibi arrogant, quam-  
primum præstiterint, miracula Medica dum hoc  
modo edunt, Æsculapio majores deprædicabo.  
Interim cum Petræo Nego posse fieri contra istos  
Agyrtas, qui ut magnis promissis fraudulenter e-  
mungant miseros ægros pecuniâ, quâ artis igno-  
rantia prohibentur, mendaciis & cōtemtu Dogma-  
ticorum Medicorū famam sibi aucupari conantur.
2. An nulla primarum qualitatum ratio in medicamen-  
tis habenda? N.





